

奩

史

資治通鑑卷八十二

東吳王初桐于陽暮述

雲間許寶善穆堂校刊

飲食門五

菜

西王母上仙之藥有碧海之狼菜

漢武內傳

蘭香降張碩有非時菜食之七日不飢

杜蘭香別傳

卞后左右菜食粟飯無魚肉

魏志

朱修之往姊家姊爲設菜羹麕飯

宋書

史炎致書黃山谷嘗緘綠菜以贈

眉山志

憲聖太后進生菜必采牡丹花片和之 山家清供

憲聖后每治生菜必于梅花下取落花襍之 群芳譜

宮中有娠賜物有生菜一合 武林舊事

市食有李婆婆雜菜羹 乾淳起居注

江淮有孟娘菜 魏王花木志

西王母仙藥有八阮赤韭 漢武內傳

北齊太上後宮女寒月盡食韭芽 三國典畧

劉殷母王氏盛冬思葺殷慟哭葺生 十六國春秋

妊婦食葵菜胎滑易生 圖經本草

宋玉諷賦主人女爲臣烹露葵之美來勸臣食 古文苑

朱緒母病忽思菰羹妻到市買菰爲羹

齊書

謝幼貞嗜菌庭中忽生一菌狀若飛鳥沈子玉曰此謂禽芝以處女中單覆之則活煮而食之可數百歲

謝入取中單有隣女乞火跨之翩然飛去

內觀日疏

孟宗母冬月思笋宗哀號笋出

楚國先賢傳

孟宗母嗜筍及母亡冬節宗哀泣生筍以供祭

吳志

丁固母冬日思筍遂泣竹生筍

荀譜

劉虛哲母疾篤采竹筍食之立瘥

荀譜

與可與妻遊箕管谷中燒筍晚食

國老談苑

昔有新婦不得舅姑意凡所需索必背時姑歲暮索

荀羹婦答曰有妯娌問臘月何處求荀婦曰且應爲

貴其實何處求荀姑聞悔悟憐新婦

荀譜

西王母仙藥有彡都綺葱

漢武內傳

宮中有娠賜物有生母薑二片

武林舊事

永樂十四年賜寧國長公主胡椒一千觔

弁山堂別集

昔有女仙食一樹葉殊愉快因名其樹曰愉後人改

心從木卽今榆樹也後女仙繞宮門種之時與族雪

道君會于下使金童講鏐虹寶典

修真錄

知慧菩薩明梓僮人周曉師女生不如輩好誦梵典
年十九絕粒食惟餐柏葉成化五年跣跣而化又裴

氏女者幼好食柏葉天麻。年十三坐化。龐蜀餘聞

臨安七姑祠其像乃七婦人有王太光家清早啟戶賣豆乳者來七婦從宅出就買謂之曰汝少須于此當持錢以還久而不出闔卒以告大光駭甚往視七姑祠豆乳正在香几上。夷堅志

永樂十三年賜寧國長公主酥油二桶。身山堂別集
文蘇油入菜煎服能使婦人肥胖。尊生八鏡

白麻油與乳母服之孩子永不生病。食療本草

麗甘山昔有十二玉女于此服醎泉。成都志

永樂十三年賜寧國長公主海外番鹽三塊。身山堂別集

西王母上藥有連珠靈醬鳳林鳴酢

漢武內傳

宮中有娠賜米醋二餅

武林舊事

宋襄公葬其夫人醢醢百甕

山陵雜記

東里有獨姬之醢

宏君舉食檄

妊婦食酸醬令兒骨瘦

本草衍義

果

煬帝寵崆峒夫人吳絳仙會瓜州進合歡果帝命小黃門以一雙馳騎賜之馬急搖解絳仙拜賜附紅箋進曰驛騎傳雙果君王寵念深寧知辭帝闕無復合歡心帝嘆曰絳仙才調真女相如也

大業拾遺記

劉華女於琉璃山拾異果食之仙去 方輿覽勝

嚴州士人家女子年未及笄一夕睡醒枕畔得果如

桃取食之旦起見飲饌之屬輒掩鼻 夷堅志

皇后歸謁家廟次日內降旨賜皇后筵繡高仞十時

果十楝細京果十楝看果十楝 武林舊事

宮中有娠賜物有裝盞果子一合 武林舊事

洪武中寧國長公主生辰賜果四盆 弁山堂別集

左思嬌女詩馳驚翔園林果下皆生摘 玉臺新咏

趙飛燕爲皇后其女弟上襪有同心梅 西京雜記

趙葵歸私第見諸姬羣聚摘青梅有一姬善詩葵令

賦詩云柝聲默振蚤春回滿院春風繡戶開怪得無
人理絲竹綠陰深處摘青梅 古今女史

永嘉閩婦以青梅雕刻脫核鏤以花鳥纖細可愛以
手摩之玲瓏如小盒闔之復爲梅謂之梅籃 琅牙漫抄

楊梅塢內有一老嫗姓金其家楊梅甚盛所謂金婆
楊梅是也 臨安志

西王母遺帝上清玉文之李 黃帝內傳

西王母龍目城中產黃中李花開則三影結實則九

影花實上皆有黃中二字 集真記

趙飛燕爲皇后其女弟上祿有含枝李 百京雜記

立夏食李能令色美故是日婦女作李會取李汁和

酒飲之謂之駐色酒

元池說林

子夜夏歌攜手密葉下浮瓜沉朱李

樂府詩集

宮中有娠賜家慶子五十斤內裝畫七百箇

武林舊事

老子西遊與太真王母共食碧桃

關令尹喜內傳

周穆王時西王母進萬歲冰桃

拾遺記

華林園有冬桃一名王母桃

酉陽雜俎

金母降謝自然將桃一枝懸臂上有三十顆碧色大

如椀曰此猶是小者

集仙錄

王母侍女以玉盤盛僊桃七顆王母以四顆與帝帝

食輒收其核王母問帝帝曰欲種之母曰此桃三千年一生實中夏地薄種之不生

漢武帝內傳

王母以仙桃五枚與帝時東方朔從隙中窺母母曰此小兒嘗三來偷我桃矣

博物志

許明奴家嫗入山採樵有人以大桃與嫗食之後遂憎食日漸童顏行疾如飛

五色線

章令判妻盧氏攜婢妾往後院遊觀謂侍妾曰桃枝上有一顆如椀大必甜美爲我摘之妾見滿樹累累無所謂絕大者盧氏自以竹作叉叉取入手爲啖食之狀女伴同遊者皆訝之自是遂不飲食

夷堅志

陳堯佐母馮氏封燕國夫人嘗入宮誤食金桃宮人大笑後再入宮再食之宮人怪問馮曰吾長兒生夢食金桃叨中狀頭今有此兆次兒必復作狀頭矣宮人遂以金桃爲瑞

山堂肆考

太宗卽位內院進櫻桃以奉三宮太后

唐逸史

李希烈娶竇良女女常稱陳仙奇忠勇及希烈死子不發喪欲爲變時有獻含桃者竇請分遺仙奇因以蠟帛丸雜果中仙奇大驚率兵入斬之

異聞錄

崔生入一品室三妓人皆絕艷以金甌貯含桃而擘之沃以甘酪而進一品遂命衣紅綉妓擎一甌與生

紅綃妓以匙而進之

紅綃傳

潘璋妾有仙術璋思食玉津櫻桃妾娶盒子布氣數

口以手帕緘封少頃開視櫻桃溢盒

夷堅志

董姬在舟中以宣磁大白盃盛櫻桃啖之不辨其爲櫻爲唇也

影梅菴憶語

鈕涸母與吳國書云胡桃本生西羌外剛樸內桑甘質如古賢欲以奉貢

女世說

宮中有娠賜物有裝畫胡桃二千箇

武林舊事

永樂十三年賜寧國長公主有核桃二萬箇

弁山堂別集

鄭邯母冬日病或言啖杏實可愈其妻楊氏求之鄰

郡忽見杏實取歸姑喜食之病漸瘳明年夏忽一日
雷風甚勁有二金龍長數尺蟠繞楊氏左右臂龍頂
上有字曰賜楊氏宣室志

宮中有娠賜物有銀杏五十斤內裝畫一千箇武林舊事
南岳夫人爲四真人設三兮紫柰南岳夫人傳

謝兮卿見東華夫人爲設兮洲白柰廣異記

西域有柰樹成果果中有一女子王收爲妃鷄跖集

周穆王時西王母進陰岐黑棗拾遺記

西王母下爲帝設玉門之棗漢武內傳

玉文棗西王母食之大如瓶打棗譜

細棗萬年一實西王母以之獻帝

洞冥記

真妃手中握三枚色如乾棗而形長大內無核

真誥

太平廣記有梁國夫人棗西京雜記有西王母棗

廣志

永樂縣有無核棗蘇氏女食之不食五穀年五十嫁

顏如處子

神仙傳

光州村媪家植棗二株秋日棗熟一道人過而求之

媪曰任先生隨意啖食道人摘食十餘枚臨去道人

將所佩一葫蘆繫于木杪顧語曰謝婆婆厚意明年

當生此樣棗後如其言

打棗譜

韓羽妻徐氏夢紅裳婦人獻七棗食之生七子

夸堅志

宮中有娠賜物有棗塔兒文色子棗

武林舊事

永樂十五年賜寧國長公主紅棗五石

弇山堂別集

齊魯之俗娶婦必用棗栗諺曰早利子也

池北偶談

老子西遊與太真王母共食碧桃紫梨

關令尹喜內傳

王夫人謂許長吏曰交梨火棗是飛騰之藥要使用於胸中今君胸中荆棘掃除未淨是以交梨火棗不生也

女世說

苗女子每冬採刺梨入市貨人有江南人物色之則舉筐以贈曰愛莫離愛莫離者華言與你有宿緣也或有調戲之者則大怒曰若勿渾落勿渾者華言沒

廉恥也

滇黔紀遊

殷七七嘗於一官寮處飲酒取粟散于官妓皆聞異香惟笑七七者粟綴于鼻不可脫但聞臭氣須臾狂舞粉黛狼籍人爲陳迺粟方墜

殷芸小說

蜀宮人于爐中爆栗俄有數栗爆出燒損絳袴

詩史

宮中有娠賜物有裝重栗子五十斤

武林舊事

永樂十五年賜寧國長公主栗子十石

弁山堂別集

袁淑芳詩以癡婆致張子謂相思也佛書頓婆華言

相思

採蘭雜記

徐藻妻陳氏石榴賦惟木之珍莫美石榴

太平御覽

王倫妻羊氏有安石榴賦

賦彙

陳叔達母患口乾叔達以蒲萄進之

太平御覽

白馬寺蒲萄甚大實重七斤至熟時常取之以賜宮人宮人轉遺親戚以爲奇異

洛陽伽藍記

楊貴妃好食荔枝南海所生尤勝故飛馳以進

常侍旨言

貴妃生日長生殿新曲未有名會南海進荔枝因名

荔枝香

碧鴛漫志

太真外傳六月一日爲貴妃生日

荔枝核小者宮人呼爲丁香荔枝

開元天寶遺事

勾尉有所愛住馬湖常以丁香核荔枝遺生

山谷集

十八娘荔枝俚傳閩王王氏有女第十八好噉此品

因而得名

宋王荔枝譜
閩宮人

幔亭集曰王十八娘天寶

紅繡鞋傳卽十八娘種

徐勃荔枝譜

宮中有妃賜物有裝畫荔枝五十斤

武林舊事

廣東按察使唐彬有女七歲於衙前手植荔枝女嫁

張景琦生子元冲皆陞廣東按察使皆同往凡三到

後人立三到堂

珊瑚網

食荔枝清福三十三事其一佳人剝

宋王荔枝譜

薛濤有憶荔枝詩

宣和書譜

郭思謨母冬月病思食菴蘿果公仰天嘆而庭樹實

矣公取以充養

柳南隨筆

西王母與周穆王玉帳高會進青花白橋拾遺記

會稽有女子吳望子偶行路中忽見一貴人擲兩橋

與之遂與爲情好卽蔣侯神也續搜神記

鄭交甫遊於漢臯有遊女贈以橋袖奚囊手鏡

朱橋母嚴氏娠十五日遇道人于詩一橋謂曰食此

子生矣母喜而受之詩問名字曰鞠君子史纂

有妓沈生能納少橋皮於口中頃刻變作紅字紅秀

整潔梅花草堂筆談

金橋溫成皇后嗜之橋譜

道君幸李師師家攜新棖一顆云江南初進貴耳錄

淑妃剖橙榴拆甘蔗遺婢賜蔡京

太清樓侍宴記

蓬萊宮乳柑橘結一合歡實上與妃子互相持
說上曰此木似知人意朕與卿固同一體所以合歡于是
促坐同食合歡圖傳之于後

太真外傳

楊妃呼柑爲瑞聖奴

文奇豹班

薛濤有酬郭蘭州寄柑子詩

宣和書譜

宗元鼎詩雙柑香濺佳人手

芙蓉集

馮開之賦一艾妾妾方新沐時佛手柑初至都門急
懷一枚與之妾接得旋擲去馮知其意已不屬遂驅
之出閣

修潔齋閒筆

金陵一老年客見佛手柑初至市數枚疾馳供李姬
麗貞姬領之命婢取去少頃入李室則宣盤中層疊
數十鮮妍碩大愈客贈者十倍 四友齋叢說

晉鈕滔母與虞定夫人書此中果有飛穰飛穰卽佛
手柑也 因樹屋書影

東坡見黎女競簪茉莉含檳榔戲書曰暗麝着人簪
茉莉紅潮登頰醉檳榔 珊瑚詩話

熙寧中交州峒中檳榔生瘰剖而得一女子養之有
殊色號檳榔女 陶朱新錄

宮中有娠賜物有裝畫圓眼五十斤 武林舊事

永樂十三年賜寧國長公主松子三石榛子三石十

五年賜寧國長公主松子十石榛子十石

俞山堂別集

馬遵令官妓剝榘實而食

隱居詩話

沈如琢母患渴非時思桑椹苦求得之母愈

符譜

昌容商王女也食蓬蒿根二百餘年而顏色如二十

許人

女仙傳

野果有紅姑娘甜酸可食

元故宮記

紅姑娘京師鬻之爲閨人之玩

升菴外集

周穆王時西王母進崑流素蓮

拾遺記

漢有女子舒襟爲人聰慧事事有意與元君通膏寄

羣以蓮子曰吾憐子也羣曰何以不去心使婢答曰
正欲汝知心內苦

謝氏詩源

六月念四日爲觀蓮節晁采與夫各以蓮子饋遺爲

歡內觀日菴

宮中有娠賜物有裝畫蓮肉五十斤

武林舊事

周穆王時西王母進千年碧藕

拾遺記

宮中有娠賜物有帶泥藕十挺

武林舊事

中元節宮人皆食銀苗菜藕之嫩芽也

天啟宮詞注

杜甫詩佳人雪藕絲

宮中有娠賜菱米五十斤內裝畫七百箇

武林舊事

更始敗後宮女悉幽閉殿內拔薯蕷食之

東觀漢記

蘭香降張碩家出薯蕷子三枚大如鷄子與碩云食

此令君不畏風波辟寒溫

舊毗杜蘭香傳

宮中有娠賜物有彩畫生芋子一合

武林舊事

庚沙彌母劉氏好噉甘蔗

梁書

織女主瓜果

續漢書

王母謂上元夫人曰吾憶與夫人共造朱火丹陵食

靈瓜味甚好憶此未久而已七千歲矣

漢武帝內傳

謝名卿見東華夫人爲設空同靈瓜

廣異記

夫人好神仙冬夜真人至賜以絳霄靈瓜

南岳夫人傳

皇甫謐得瓜果輒以進叔母任氏

冬夜箋記

有姪餉郭祖深一青瓜祖深報以正帛

梁書

宋瓊母冬病思瓜瓊夢見之求而遂得

北史

秦孝王好內妃崔氏性妬遂于瓜中進毒

隋書

元宗在東宮元獻皇后思食酸元宗以告張說說每

進輒袖木瓜以獻

柳氏舊聞

明皇幸蜀園宮女有卽道旁園摘瓜者

廷暑錄話

沈太后嘗削瓜哺德宗傷左拇指

唐書

煙

高麗國王妃死國王哭之慟夜夢妃告曰塚生一卉

名曰煙草採之焙乾以火然之而吸其煙則可止悲亦忘憂之類也如言採得遂傳其種

在園雜誌

閨闈佳麗以煙酒爲餐香吸霧

怡曙堂集

方爾止京師竹枝詞清晨旅舍降嬋娟便脫紅裙上炕眠傍晚起來無箇事一回小曲一筒煙

魚臚續編

尤侗美人吃煙詩玉唇含吐亦嫣然

百堂小草

蠻女性喜吸煙每以煙筒插髻

廣百通志

舊史卷八十三

東吳王初桐子陽纂述

江都程晉芳魚門校刊

飲食門六

藥

西王母有洞淵紅藜嶮山絳雪皆仙藥也

拾遺記

姑射謫女日命蓮華童子以朱洞瓊泉進九天先生

蓋長生上藥也

修真錄

程咸母夢白頭公授藥曰服此當得貴子

王隱晉書

萼綠華授羊權尸解藥亦隱景化形而去

真誥

君子國鳳凰嶺出天狗一名胎簷女仙與族雪道君各以玉膏鍊成上藥以相饋遺

柳煨記

周寶治城隍得古塚發其棺有一女面如鉛粉衣服皆不敗或言此是嘗餌靈藥待時而發發則解化之期矣寶命收葬之行數里有紫雲覆輻車之上衆見一女子出自車中坐于紫雲冉冉而上久之乃沒開棺則無矣

稽神錄

盧佩母病腰腳痛欲竭產求國醫王彥伯忽見一白衣婦人姿容絕麗乘駿馬從一女僮來謂佩曰妾有薄技度不減王彥伯佩驚喜入白母遂引至母前婦

人纔舉手候之母已能自動一家歡躍婦人曰當要
進一服藥非止除痾疾亦永眉壽母曰未知何階上
答婦人曰但許奉九郎巾櫛則可蓋佩行第九也遂
於女僮手所持小篋奩中藥一刀圭以進母母入口
諸苦頓平佩卽納爲安每十日一歸本家惟乘舊馬
倏忽往來畧無踪跡旦伺其出潛窺之見乘馬行
空中佩心異之歸具言母自是婦人不復歸佩家東
記

同昌公主疾甚醫者欲難其藥餌奏云得紅蜜白狼
膏食之可愈上令訪內庫得紅蜜數石本堯離國所

貢也白猿脂數甕本南海所獻也

杜陽雜編

劉士彥病其女刲股肉以進夜夢普照與藥一貼服之即日而安

孫公談圃

有江叟登白鶴山忽有兩女子出授神藥云服此當爲水仙子蓋龍女也

岳州府志

女人每朝宜進平補血海藥一服

通天論

臨川士家一婢逃入深山中取草根食之久久不飢其身欬然凌空若飛鳥焉數歲家人采薪見之婢述其故指所食之草乃黃精也

稽神錄

楊正見者眉州楊寵女也嫁王生一日舅姑市魚使

正見膾之正見鱗魚尚活不忍烹舅姑責之正見懼
竄行數十里至一山舍有女冠在焉正見以其故白
之女冠曰子有好生之心因留宿使正見汲泉汲泉
處有一嬰兒潔白見人且喜且笑正見抱之而歸漸
近家兒已僵矣視之若草木之根重數觔女冠見而
識之乃藥中茯苓也命潔醜蒸之會山中糧盡女冠
出山求糧忽風雨不能歸正見飢甚聞甕中香竊食
之女冠歸嘆曰神仙自有定分吾不爲風雨所阻汝
豈能食此靈藥耶正見光彩射人常有羣仙降其室

後白日昇天

集仙錄

奴會子劉五娘用爲煎服

南海藥譜

杜蘭香降張碩碩問禱祠何如蘭香曰消摩自可愈疾淫祀何益蘭香謂左藥爲消摩

杜蘭香傳

吳秀讀書燈下有女子叩門啟視絕色也與之處者

兩月一日過葛仙翁翁曰君有桑中之遇乎袖中出

一丸藥云此藥以醇酒下能令婦人顏色媚好秀持

歸如方與女飲之少選女云腹痛就枕秀呼問不應

秉燭視之惟一具枯骨而已

續列仙傳

皇妣夢黃冠授一丸藥吞之覺而口香遂生太祖

山名

燕

慈溪劉仲昭家有老婢年百三十八歲少時遇方士

授藥一丸吞之永無疾厄

簪雲樓雜記

夏姬杏金丹夏姬服之上昇

保生月錄

開元中內人趙雲容問申元之乞延生之藥元之與絳雪丹一粒後果再生

高道傳

黃鐘女年及笄忽爲神物所憑以一物遺女圓如彈丸謂女曰此神丹也人死以慰胸腹間當復生宜寶之以濟汝危急勿妄用也女收藏之會其伯母卒女以丹試置屍上卽蹶然復生神至怒責女曰語汝云何而乃妄用之遂奪丹去

高坡異纂

馬珏母孕時夢麻姑賜丹一粒吞之

史纂

元宗之在東宮爲太平公主所忌時元獻皇后得幸方娠元宗懼太平欲令服藥陰除之謀于張說說密懷去胎藥以獻元宗得藥密煮之怠而假寐有金甲

神人翻鼎藥盡覆

柳氏舊聞

帝病緩弱大醫求奇藥得脊卹膠遺昭儀昭儀進帝一九一幸一夕昭儀醉進七丸帝昏夜擁昭儀居九成帳笑吃吃不絕抵明帝起餘精出湧須臾帝崩宮人以白太后太后使理昭儀昭儀曰吾持人主如嬰兒寵傾天下安能斂手掖庭令爭帷帳之事乎乃拊

膺呼曰帝何往乎遂毆血而死

飛燕外傳

帝選後宮良家女數千入迷樓復得方士所進大丹服之蕩思不可制日夕御女數十人

迷樓記

韓昌黎晚年頗親脂粉因用硫黃攪飯以啖雄鷄干日後烹之名火靈庫始亦見功終至絕命

天都載

劉鋹得波斯女益求方士媚藥爲淫褻之戲

青異錄

大瀉之精墜石上者爲石錕能壯陽有人服一毫往娼家一夕不休英國公得之以畜百妾

揮塵新談

雷世賢多侍妾常餌砂母鍾乳以濟其欲

張果醫說

資治通鑑卷八十三



奮史卷八十四

東吳王初桐于陽

纂述

南豐譚光祥退齋校刊

器用門一

器上

錢思公嫁女令銀匠翼美造妝奩器皿既而美拜官
思公以爲妹婿向者器皿乃歸美家此與衛青娶平
陽公主事同

野客叢書

器皿曰受用其實乃售用談苑云吳越王錢俶妃有
平生售用凡百箱

襄陽閒評

周宋夫人鼎蓋銘曰宋君夫人之鍊鈇鼎

宣和博古圖 廣川

書跋曰用于房中之羞

周緣女鼎蓋緣女作是鼎以享于考也

鐵網珊瑚

商婦卣銘曰子孫婦甲庚丁

宣和博古圖

商有欲姬鬲女乙觚

紹興古器評

周帛女鬲銘曰帛女作齊鬲

鍾鼎款識

周義母匱銘曰仲女吉義母作旅匱

宣和博古圖

周有季姬敦按晉文公母曰季姬齊悼公娶季康子

妹亦曰季姬

紹興古器評

鬱林王台何后及寵姬以諸寶器相投爲笑樂

經濟類編

郭況家寵姬皆以玉器盛食

漢世說

同昌公主琢五色玉器以金銀爲井欄藥臼食櫃水

槽釜當盆甕之屬仍鏤金爲箴籥箕筐

杜陽雜編

禁中鵬月三十日爲大節夜后妃諸閣皆進小樣金銀器皿

西湖游覽志餘

宋太祖賜蜀太后金器三百兩銀器三千兩

十國春秋

周漢國公主后房奩有壘嵌寶金器塗金器貼金器

南渡宮禁史

吳主上唐太后金花銀器衣段

吳錄

南宋姜娘子善鑄銅器

居易錄

西王母以玉盤盛桃

漢武內傳

皇太子納妃有長檠五漆尺檠三十漆拍梓

東宮舊事

武帝悼后元宮漆烏瓦檠一枚

修復山陵故事

阮宣子妻妬忌禁婢屣覆檠架蓋不得相合

如記

帝以荒淫得煩燥病醫丞乞置冰盤于前日夕朝望之自茲諸院美人各市冰爲盤以望行幸京師冰爲之踴貴

述樓記

至正二十六年安南國進皇后方物狀有楞金度銀

御前花石盤一面楞金度銀牙犀盤一面

天南行記

同昌公主有翡翠匣積毛羽飾之

和易雜記

吳均秦女卷衣詩玉檢茱萸匣金泥蘇合香

吳朝詩集

安南國進皇后方物狀有金間度銀匣

天南行記

崔茂伯女結婚裴氏尅期未至女暴亡提一金罌徑

到裴床前以罌贈裴

幽明錄

皇后謁家廟後散付親屬物件有金甌

武林舊事

雲陽公主下降陸暢作催妝詩六宮大咍別賜宮錦

楞柳餅唾壺各一

全唐詩話

銀甌小姊者岳武穆季女也武穆被難女抱銀甌墜井死及岳王立廟井在廟中範銀甌像於廡右時有宋觀察者祀岳王謂武穆精忠固當拜銀甌女流耳

非所宜障之以屏後升公座觀玉貌錦衣神女持弓

矢當簷而立觀察驚顧矢發中背成疽而死

湖壩雜記

按

武穆有女名安娘岳雲女大娘岳雷女三娘皆載于岳珂金陀粹編而不及銀瓶小姊何耶

張籍楚妃怨手拂銀瓶秋水冷

張司業集

安南國進皇后方物有琉璃瓶連金蓋二口

天南行記

大食窠花瓶以銅作身用藥燒成五色最宜婦人閨

閣中用

格古要論

宮中有娠賜物有裝畫胎衣瓶

武林舊事

惟有一女人愛悅於帝名曰巨靈帝傍有青珉唾壺
巨靈出入其中或戲笑帝前東方朔目之巨靈化成

青雀飛去帝乃起青雀臺

洞冥記

皇太子納妃有漆畫銀帶唾壺一

東宮舊事

貴人有純銀參帶唾壺三十枚

魏武帝上雜物疏

皇后予宮有白瓦唾壺五枚

山陵故事

武后時宜都內人以唾壺進諫

李義山文集

韋太后性節儉有司進金唾壺易令用塗金

宋史

皇后儀衛有金唾壺一金唾盂一

明史

杜蘭香者女仙也降于包山張碩家授以飛化之道

留玉簡玉唾盂

集仙錄

秦嘉婦與嘉書曰今奉旄牛尾拂一枚可拂塵垢

太平

御覽

皇太子納妃有白眊拂二枚

東宮舊事

竟陵王青綃持拂紫綃吹簫

欽小志

李衛公初以布衣謁楊素素侍婢羅列有一妓殊色
執紅拂立於前獨目公歸逆旅其夜五更忽聞叩門
開視之乃紫衣帶帽人杖一囊公問誰曰妾楊家紅
拂妓也公遽延入脫去帽乃十八九佳麗人素面畫
衣而拜曰妾侍楊司空久閱天下人無如公者故來
奔耳公觀其儀狀辭氣真天人也遂與歸太原

袁異記

皇后儀衛有拂子二

明會典

和疑詞伴弄紅絲繩拂子打檀郎

紅葉稿

無瑕常執辟塵塵禮觀世音誤落香爐中火熾不及
取至今名爲無塵殿

女紅餘志

西王母遺黃帝五明扇

黃帝內傳

趙飛燕爲皇后其女弟上五明扇

西京雜記

漢成帝賜趙飛燕五明扇

古今注

周昭王聚鵲羽爲四扇時東甌獻二女曰延娟延娛

使二女更搃此扇侍于王側

拾遺記

秦始皇令三妃九嬪當暑把雲母小扇子

中華古今注

趙飛燕爲皇后上賜雲母扇七華扇

崔豹古今注

趙飛燕爲皇后其女弟上雲母扇九華扇回風扇翠

羽扇孔雀扇

西京雜記

漢武帝招涼閣中異姝以青琉璃爲扇

漢武帝故事

趙昭儀有七輪扇一人運之滿堂寒顛

西京雜記

漢成帝賜趙后蟬翼扇翟扇

古今注

班婕妤初爲帝寵後自知見薄乃退居東宮作紈扇

詩以自傷

古今樂錄

周昉有紈扇士女圖

宣和畫譜

晉時令宮人把五色羅扇子

中華古今注

皇太子嬀妃有同心扇二十單竹扇二十

東宮舊事

一老姥賣六角扇王羲之書其扇人競買之

晉書

皇后于宮中用絹團扇六枚

修復山陵故事

汲太子妻李氏與夫書并致安衆扇二

婦人集

宋武帝王皇后諱貞風上嘗于宮中大集而裸婦人觀之以爲笑后以扇障面獨無言帝怒曰外舍家寒乞今共爲笑樂何獨不視后曰爲樂之事其方自多豈有姑姊妹集聚而裸婦人形體以爲樂外舍之爲慳實與此不同

何氏語林

皇太后賜廢帝玉柄毛扇

宋書

東陽嘗贈所歡二扇一曰銀花一曰寄情後復還之

有詩云還君與妾扇 女紅餘志

檀茂崇亡其母劉氏夢崇手執團扇云以此奉別母

驚覺果于屏風間得扇 異苑

張敷生而母亡至十歲求母遺物而散施已盡惟得

一畫扇乃緘錄之每至感恩輒開筭流涕 梁書

王元寶家姬有龍皮扇子 開元天寶遺事

蜀主花蕊夫人夏月水調龍腦末塗白扇上用以揮

風一夜登樓望月誤墜其扇爲人所得外有效者名

雪香扇 清異錄

李後主於黃羅扇上書一詩賜宮人慶奴 六研齋筆記

東坡爲春夢述書扇

蓮意瑣錄

徽宗泛舟曲江有宮嬪持寶扇乞書

客座贊語

徽廟幸來夫人閣偶灑翰于小白團扇

陳郁語腴

淳熙五年賞牡丹隨駕宮人並賜沉香柄金絲御書

扇一柄

乾淳起居注

皇后謁家廟後散付親屬物件有畫扇翠扇

武林舊事

端午賜后妃諸閣金絲翠扇

乾淳歲時記

侯湖門外陳宅廚娘破黃花魚腹中得玉孩兒扇乃

是高宗舊時誤墜于水者上見之大悅封廚娘孺人

西湖志餘

婦女多用漏塵扇柄異色影花扇

夢梁錄

趙總憐以扇頭乞詞王稱心亦有是請

酒邊詞

吳文英有題藕花洲尼扇詞

夢應丁稿

鄭櫟年醉歸一婢掖至中堂坐榻上因舉扇囑婢揚風凡數扇婢忽擲扇于地曰無恁地工夫言訖不見櫟年始知爲鬼

陶朱新錄

夏至日俗謂之朝節婦人進彩扇

遼史

嘗收得楊妹子所寫絹扇面摺痕尙存卽今世所用

摺扇也亦名摺骨扇亦名聚頭扇

春風堂隨筆

摺疊扇一名撒扇南方婦女皆用團扇惟妓女用撒

扇近年良家女婦亦有用撒扇者

名中開集

木元經嘗登秦觀峯麥老媪攜一女子甚醜以一扇
遺生明年入都道出武清散步柳陰過土橋有遺扇
在芳草中收視之上有詩云煙中芍藥朦朧睡雨底
梨花淡妝小院黃昏人定後隔牆遙辨麝蘭香異
之須臾見一女即遊樹下隱隱穿林而去元經遂題
二詩於樹前至野店問村民或曰此處有田將軍園
林豈卽其家眷屬乎逾年謁選爲工部郎休沐之暇
偕僉佐同出土橋偶憇田家老媪熟視其扇曰此吾
女手跡也偶過溪橋失之何爲入君手吾女尋扇至

溪橋見樹上二絕朝夕諷詠得非君作乎命其女出見宛如夢中共相嘆異遂納之女名娟娟卽田將軍女也

驪珠雜錄

楊方合歡詩暑搖比翼扇

玉堂新詠

子夜歌耶贈合歡扇

古今樂錄

王建宮詞宛轉黃金白柄長青荷葉子畫鴛鴦把來不是呈新樣欲進微風到御床

王禹玉端午夫人閣帖云金縷黃龍扇蘭芽翠釜湯

海錄碎事

女仙詩分明一夜文姬夢只有青團扇子知

癸辛雜識

姚淑人有蒲扇詩

宮闈詩史

趙如燕年十三錄籍教坊楷法絕佳子嘗得其書扇
後題云乙卯中秋同西池徵君質山學士集海濱天
香書屋書此竟聞任岳憲在陸涇壩禦倭大捷奏凱
回戈亦快事也沈嘉則爲作傳云趙雖平康美人使
具鬚眉當不在劇孟朱家下今卽其題扇數語豪宕
可知

靜志居詩話

姜淑齋工撫晉人書京師士人得其手書紈扇便面

多珍秘焉

蜀道驛程記

趙康王宮詞薄鬢斜鬟十五餘妝成猶未下庭除納

涼記得君王作私把泥金小扇書

居敬堂集

秋香南京舊院妓也後從良有舊識欲相見以扇畫
柳題詩拒之云昔日章臺舞細腰任君攀折嫩枝條
如今寫入丹青裏不許東風再動搖

青泥蓮花記

周羽步以吳蕪仙畫梅扇寄冒丹書內人

本事詩

毛休文母汝太君畫扇山水草蟲無不臻妙

落木菴集

女郎周禧畫荷包牡丹扇頭甚工

笛漁小橐

淳熙十一年六月進太皇后物內有白玉香珀扇墜

兒四枚

乾淳起居注

梁費昶詩金花起搖步紅彩發吹綸吹綸不知何物

據詩意想是婦人所執如媛扇之類歐陽元詞十二月都人供暖箴宮中障面霜風獵子嘗有冬日宮詞云障風貂尾扇熅火象牙籠

升庵外集

仙壇秋月圖宮扇宋寧宗后楊氏題詩自稱楊妹子禮部集 王士禎曰吳師道誤以楊妹子爲楊后

趙仲啟月夜露坐仰見一女子妝飾甚麗如乘鸞鶴一女持宮扇衛之逡巡入月而沒

汾陽遺稿

諸王親迎用方圓掌扇四

宋史

公主出降前後用紅羅銷金掌扇遮簇

東京夢華錄

二女仙圖婢持翬扇在後

眉庵集

隋煬帝在水精殿令宮人把半月雉尾扇子

中華古今注

皇后儀仗有小雉扇四

明會典

皇太后皇后儀仗有偏扇圓扇方扇雉尾扇朱畫團

扇

玉海

周漢國公主轎前有方扇四圓扇四

南渡宮禁典儀

諸妃儀衛用偏扇方扇團扇各十六諸嬪各十四皆
宮人執

金史

皇后儀仗有方扇八皇妃繡方扇四東宮妃紅繡方

扇四郡王妃青圓扇二紅圓扇二

明會典

皇后儀仗有紅雜花團扇四皇妃紅花團扇四青繡

團扇四東宮妃紅繡花團扇四親王妃青孔雀團扇

四紅花扇四

明會典

和凝宮詞才人侍立持團扇金縷雙龍貼碧藤

紅葉稿

北周天元帝詔內外命婦皆執笏

歷代命婦朝賀禮儀

命婦笏以象牙爲之

明會典

崇妓綠珠有珊瑚如意長三尺二寸

石季倫本事

元宗夏月授楊妃却暑犀如意

楊妃外傳

南宋宮人有青芝雙虬如意是六朝宮人所遺

談薈

葛巾娘子牀頭有水精如意上結紫巾蓋花妖也

花史

西王母賜黃帝念珠

大有經

慈聖曹后有百寶念珠價直千萬

投轄錄

西湖斷橋有老姥自焚者年七十歲衣紫花布衫項挂念珠手焚線香三枚至龕前向西方膜拜畢入龕自開龕門而坐漸見龕中煙出火隨烈發龕卽燼其親屬相送亦不哭城中婦女聞之相與募錢構一草庵瘞其骨繪像奉之乞名西昇庵

嗣房偶筆

顧東山有女美而不嫁好服壞衣持念珠作六時梵語父母知其志爲築卽是庵處之因號卽是庵主人

水南日記

西藏婦女貴賤皆項掛念珠一二串白珊瑚青金磚

礫至木珠不等

衛藏圖說

淳熙十一年進太皇后物有龍涎香數珠

乾淳起居注

辰沅靖州蠻女子以海螺爲數珠掛頸上

老學菴筆記

永樂十三年賜寧國長公主金廂紫檀木數珠一串計一百一十顆上帶金小杵一個

弁山堂別集

曹壽奴小字山姑崇禎吳興女子也夫君北行以菩提數珠留贈詩云百八菩提子紅絲貫小纓無眠後夜月留記遠鐘聲

明詩綜

武帝燃九光之燈以待西王母

漢武帝內傳

賜嫌細棗有膏可燃燈西王母握以獻帝

洞真記

趙飛燕爲皇后其女弟上七枝燈 西京雜記

趙昭儀有常滿燈七龍五鳳雜以芙蓉 百寶總珍集

皇太子納妃有金塗連盤鴨燈金塗四尺長燈銀塗

二尺連盤燈 東宮舊事

采荀爽女爲陰瑜妻夫亡爽逼嫁與郭奕入郭氏室
暮乃去帷帳建四燈盛粧飾歛衽正坐與奕相見言
辭不掇奕敬憚不敢逼至曙出 荀采傳

倡樓之上每夕常有絳紗燈萬數 揚州夢記

深閨巧娃剪紙成影燈馬騎人物旋轉如飛 乾淳歲時記

闔閭夫人墓中漆燈如日月金蠶玉燕千雙 述異記

寧王宮中每夜帳前羅列木雕矮婢飾以彩繪各執
華燭自昏達旦名曰燈婢 開元天寶遺事

廬江王夫人有燈花占一卷 然脂集

有人於昭應寺讀書見一紅裳女子吟詩云金殿不
勝秋月斜石樓冷誰是相憐人褰帷弔孤影叩其姓
氏云姓朱名昭遠字無忌上祖在漢時封長明公唐
天寶中封妾爲珊瑚夫人賜珊瑚帳居之自此異耶
蛾子不復爲暴言訖入經幢而隱蓋燈也 異聞實錄

楊慎借石甕寺肄業忽有一紅裳女子容色殊麗姿
態動人徐步歌于簾外慎問其姓氏曰妾燧人氏之

苗裔也倘承周旋誓必無累植納之自是晨去暮來
惟霾晦則不至植之乳母潛伏俟之見其自隙而出
入西幢澄澄然一燈矣撲滅之遂絕 螢雪叢說

西王母取綠桂之膏以照夜 西王母傳

薛靈芸母陳氏每聚隣婦夜績以麻膏照夜 拾遺記

范靜妻沈氏詠燈詩開花散四照含光出九微 煙花集

韓偓詩鳳脛燈青照洞房 香齋集

懿德皇后同心院詞云剔銀燈待君行 焚椒錄

張劬有詠紅紗美人燈詩 三家詠物詩

瞿佑有詠女鞋燈詩 存齋樂全集

王母授黃帝洞霄盤雲九華燈檠

事物紀原

宋潛延趙當訓誨子弟忽見美婦人立於燈下唱曰
郎行久不歸妾心傷亦若低迷羅箔風泣向西窗雨
遂滅燈趨趙就寢明夜又來唱曰一自別來音信杳
相思瘦得肌膚小秋夜迢迢更漏長守盡寒燈天未
曉後又唱曰獨倚朱扉翠黛顰傷嗟良夜暫相親如
今且伴才郎宿應爲才郎喪此身諸生怪趙精神恍
惚具告其父潛往觀焉見一婦人唱曰向晚臨鸞拂
黛眉紅妖艷冶照羅幃不辭夜夜偷相訪只恐傍人
又得知宋抱之乃一燈檠

雲齋廣錄

韓國夫人爲千枝燈臺高八十尺置高山上然之千
光奪目百里之內皆可望焉

津陽門詩注

漢書趙昭儀居昭陽殿壁帶爲黃金釭白樂天詩紅
釭霏微滅張光朝詩星釭凝夜暉陸魯望詩月釭曉
屏碧昔謂燈也李賀詩日語燕踏簾鈎曉釭屏中碧
亦謂美人寢眠而曉燈猶在釭也

丹鉛錄

江南貴家每宴響玉一鳴青衣紅綉十餘曹籠燈迎
立 敘小志

諸王親迎用生色燭籠十

宋史

周漢國公上瞻前有燈籠二十是燈二十

南渡宮禁
典儀

皇后儀仗有紅紗燈籠四

明會典

客氏出入皆以五更內府供用庫大白蠟燈籠黃蠟

炬燃亮子不下二三千枝

酌中志畧

后夫人將侍於君前息燭後舉燭

尚書大傳

齊女徐吾與隣婦李吾輩合燭夜績李吾以徐吾貧
燭數不屬欲弗與夜徐吾曰一室之內益一人燭不
為益闇去一人燭不為益明何愛東壁餘光使貧妾
不蒙見哀之惠乎遂復與夜績

列女傳

羊侃宴客侍婢百餘人俱執金花燭

梁書

太宗夜幸玉堂蘇易簡已寢無燭不能覓衫帶宮嬪

乃自窓榻中引燭入照之

天祿識餘

韋涉家宴婢皆執燭四面行立呼爲燭圍

長安後記

同昌公主有香蠟燭燭上烟出則成樓閣臺殿之狀
或云燭內有蜃脂故也

杜陽雜編

同昌公主薨帝以仙音燭賜安國寺冀追冥福狀如
高層露臺雜寶爲之花鳥皆玲瓏臺上安燭旣燃點
則玲瓏者皆動丁當清妙燭盡響絕

虛谷閒抄

韓渥視草金鑾殿深夜方還宮妓秉燭以送

南唐近事

王衍夜泛小龍舟使宮人乘短畫船倒執炬蠟千餘
條逆照水面以行

五國故事

上元燈宴后母當入觀高后止之曰夫人登樓上必加禮於心殊不安但令賜之燈燭

宋史

太后回鑾復值稱壽上用龍涎沉腦屑和蠟爲燭兩行列數十枝豔明香溢上問此燭頗愜聖意否太后曰爾爹爹每夜常設數百枝諸閣亦然上因后起更衣徵謂慈聖曰如何比得爹爹富貴

避暑漫抄

張芸叟初遷集兒女把酒芸叟有怏怏不樂之意命各探坐中物賦詩一女賦蠟燭云尊前獨垂淚應爲未灰心蓋以諷之

退齋雅聞錄

皇太后皇太妃燈燭局有燈燭郎君

遼史

安南國進皇后方物有金燭臺一對

天南行記

黃輔夜飲有三婦人至輔日夜過三更小娘子豈得
到此三婦怒把鐵燭逐之輔放聲叫呼忽無所見

異聞

總錄

季貞常熟沙頭市女子少有夙慧其父老儒也抱置
膝上令詠燭詩應聲曰淚滴非因痛花開豈是春父
推墮于地曰非良女子也

玉塵新譚

丁六娘十索詩懽情不耐眠從郎索花燭

名媛詩歸

梁簡文帝詩燭銀踰漢女江總貞女帙賦會照耀之

燭銀

玉臺清照

媧女孫小九家燭結花若連珠

夸馭志

桀愛蒙山二女宮中燭心至跋皆用異香寶屑燃之

數里皆香

敬煌紀年

柳公權召對燭見跋宮人以蠟淚揉紙繼之

唐書

文帝迎靈芸築燭臺列燭臺下望若列星

拾遺記

故宮中用鏤金合硫黃爲發燭

佩楚軒客談

周建德中齊后妬宮女貧者以發燭爲業

報耕錄

惠文與華陽夫人用吸火水晶瓶以滅燭

芸總私記

漢制後宮用五色薰籠

西京雜記

漢光武后陰麗華有金虬屈膝倒鳳銜花簫局簫局

古薰籠也亦名秦篝

記事珠

皇太子納妃有漆畫手巾薰籠二大被薰籠三衣薰

籠三

東宮舊事

正月初婚忌空牀不得已者以薰籠置牀厭之

居家宜忌

王建宮詞銀薰籠底火霏霏

王司馬集

王季娥詩薰籠香冷火應消

羣芳譜

后梓宮中有象牙火籠

修復山陵故事

梁范靜妻沈氏詠五彩竹火籠詩云氤氳擁珠被出

入隨細裙

名媛集

各宮冬天火爐約有數千皆銀爲之

看花行者談往

馮小憐有足爐曰辟邪手爐曰鳧藻冬天頃刻不離
皆以其飾得名 採蘭雜志

范夫人徐淑詩地爐火盡冷侵牀 羣芳譜

查史卷八十四